



Uunga: Deloitte  
Fra: Regnskabschef Pætur J Niclasen  
Cc: Kalaallit Nunaanni Kommuneqarfinnut Nakkutilliisoqarfik  
Ulloq: 22.09.2022  
Sammisag: 2021-mut kukkunersuiusut nalunaarummut kukkunersuiusut oqaaseqaammut akissuteqaat

---

Matumuuna 2021-mut kukkunersuiusut nalunaarutaannut Kommuneqarfik Sermersuup akissuteqaataa nassiunneqarpoq.

**Akissuteqaatit pingaarnerit.**

2021-mi 2020-mut sanilliullugu allaffeqarfimmi pitsanngoriaateqarsimanera kommunip nuannaarutigalugu maluginiarpaa.

Kukkunersuiusut nalunaarumminni allaffigineqanngitsumik ima oqaasertalimmik allassimanerat taamaasilluta assut naammagisimaarparput:

*".....Isumaqaarpugut, ukiumut naatsorsuutit pingaarutilinni tamani eqqortumik isikkoqartut, ima paasillugu Kommunit Namminersorlutik Oqartussallu missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq (Missingersuutit pillugit inatsit) naapertorlugu suliaasut"*

Kukkunersuiusut 2021-mut naatsorsuutitut nutaanik oqaaseqaatissaqanngilaq, tamanna assut pitsaasuvoq peqatigitillugulu isumaqarluni Kommune ukiut siuliini oqaaseqaatinik massakkut ukkatarinnissinnaasoq.

**Tunuliaqutaasoq suliniutillu aallartinneqartut.**

Kommuneqarfik Sermersooq Nunatsinni kommunini siullersaalluni systemimik nutaamik kommuninit ataatsimoorullugu aningaasaqarnermut atortumik AX-imik atuilernikuuvoq. Nutaanik atortup atutilersinneqarneranut atasumik kontumut pilersaarut nutaarluinnaq atulermat tamanna annertuumik pissutaaqataavoq kommunip aningaasaqarnermik aqutsinermi ajornartorsiuteqarsimaneranut.

Suli annerusumik minnerusumilluunniit kukkunersuiusut nalunaarutaanni uparuarneqartartut arlaqarput. Kommuneqarfik Sermersuumut pissutsit taakkua iluarsinissai pingaaruteqarpoq.



# Nassuiaat

Kommunip ulloq manna tikillugu suliniutinik nutaanik pingaarutilinnik suliassanillu ingerlataqarnini nangeqqippaa, tamakkununga ilanngullugit missingersuutinik nakkutiginninneq pitsaanerusoq, aqutsinermi paasissutissanik, aningaasaqarnermi aqutsinikkut piginnaasanik pitsanngorsaanerit kiisalu illup iluani nakkutilliissutinik pitsanngorsaanerit, tamakkulu tamarmik kommunip allaffeqarfiata ineriartornerata ilorraap tungaanut isumannaatsumik nikeriarnissamat qularnaarisussaapput.

Suliniutit ilarpassui ukiup siuliani aallartinneqartut aningaasaqarnermut atortup iluamik ineriartortinneqarnissaanut suli pingaaruteqarput qitiutinneqarlutillu. Taamaattumik taamaaliornissamat immikkoortut tulliuuttut qitiutinneqarnissaat pisariaqarpoq:

- Inatsisinik malittarisassanillu malitaqarneq
- Akiliisinnaassusermik aqutsineq
- Aningasaqarnermi pisinnaasat piginnaasallu pitsanngorsarneqarneri
- Missingersuutinik malinnaatitsineq pitsaanerusoq
- Aningaasaliissutinik missingersuutinillu akisussaaffeqarnermik isumannaarineq
- Akiligassanik piffissaq eqqorlugu akiliisarneq aamma eqqortumik kontulersuinissamat ilaasut
- Innuttaasut suliffeqarfiillu kommunimut akiitsuinik pitsaanerusemik akiliisitsiniartarneq

Tamakkua saniatigut aningaasaqarnermut aqutsinerup pitsaasumik torersumillu qularnaarneqarnissaanut ingerlatsiviup pitsanngorsarnissaanut inerisarneqarnissaanullu nangittumik sulisoqarpoq.

Suliaq tamanna ingerlalluareerpoq, kisianni, siusinnerusukkut taaneqareersutut, ukiuni tulliuuttuni suliniutip ingerlaannarnissaa pisariaqassaaq, kommune suliassat suliarinerini anguniakkaminik angusaqarsinnaaqullugu.



**Ukioq manna kukknersiuisut oqaaseqaataannut akissuteqaatit.**

Kukknersiuisut 2021-mut ukiumoortumik naatsorsuutitut nutaanik oqaaseqaatissaqanngilaq.



### Ukiut siuliinut kukknersiuisut oqaaseqaataannut akissuteqaat

Kukknersiuisut oqaaseqaataannut allaffeqarfiullu taakkununga oqaaseqaataannut takussutissaq:

Nr.	Kukknersiuisut oqaaseqaataat	Innersuussutigineqartut	Killiffik
2013-3	Atuisunut akiliuteqartitsisarnermut atatillugu suleriaatsinik allaaserisaqarsimannginneq	2.3.1	Ammasoq
2013-4	Akissarsialeriffimmi amigaatit	2.3.2	Ammasoq
2013-9	Suliatigut aqutsisutut nakkutiginnissinnaannginneq	2.3.3	Ammasoq
2013-12	Sanaartornermut naatsorsuutunik il. il. tunniussineq	2.3.4	Ammasoq
2014-2	Qarasaasiatigut nakkutilliissutini tamanut atuuttuni sanngiiffiit amigaatillu	2.3.5	Ammasoq
2018-03	Pisassat naatsorsorneri qularnartoqartut	2.3.6	Matoqqasoq
2018-05	Suliffeqarfiit attuumassuteqarfigisallu akiitsunut tunngasunik aqqitassanik naligiissaarisimannginneq	2.3.7.	Ammasoq
2018-06	Kalaallit Nunaanni Namminersorlutik Oqartussallu aqqitassanik naligiissaarinnginnerit	2.3.8	Ammasoq
2018-08	Akissarsianik kiisalu isumaginninnermi ikiorsiissutunik akileraarutitalinnik naligiissaarinnginnerit	2.3.9	Matoqqasoq
2019-01	Isumaginninnermut tunngasuni sullissinnermi kukkunerit amigaatillu	2.3.10	Ammasoq
2019-02	Ingerlatsinermit sanaartornermullu tunngasunik misissuineq	2.3.11	Ammasoq
2020-01	Siorarsiorfik Nuuk City Development A/S-imut akiitsut	2.3.12	Matoqqasoq
2020-02	Attartornissamut attartortitsinissamullu isumaqatigiissutit Naalakkersuisunut akuersissutigigitassanngorlugit nassiuqqanngitsut	2.3.13	Ammasoq

#### 2013-3: Atuisunut akiliuteqartitsisarnermut atatillugu suleriaatsinik allaaserisaqarsimannginneq

Ilumoorpoq, "Ingerlatsinermit Aningaasaqarnermillu Aqutsinermit Najoqqutassiaq" 2014-imi akuersissutigineqartoq tunngavigalugu, amigartunik imaluunniit amigaateqartunik suleriaaserpaaloqarpoq.

Kommuneqarfik Sermersooq ukiuni arlalinni 2018-imi ERP-systemip nutaap atulersinneqarneranik ajornartorsiuteqarsimavoq.

Systemi pitsanngoriartuinnartumik ingerlavoq, tamannalu ineriartornissamut pitsanngorsaanissamullu piffissaqarneruneranik isumaqarpoq.

2022-mi suliassaqaqfinni attuumassutilinni suleriesissamik allaaserinninnerit suliallu ingerlasarnerisa allaaserineqarnerisa suliarineqarnerat aallartippat, taamaalilluni periutsit pillugit ilisimasarilikkat ass. sulisut nikerarnerisigut annaaneqannginniassammata.



Tamatuma saniatigut oqaatigineqassaaq suleriesissamik allaaserinninnerit suliarineqarneri atuisut akiliuteqartarnerannit akileeqqusissuteqartartunit isumagineqassammata.

#### **2013-4: Akissarsialeriffimmi amigaatit**

Kukkunersuiusut uparuarpaat, akissarsialeriffimmut tunngatillugu sulilinnik isornartoqartitsillutik, taakkununga ilanngullugit kukkusumik aningaasarsiasanik naatsorsuinerit, amigartumik sulianut upernarsaatissaqartitsinerit aammalu suleriaatsit akissarsialeriffiullu iluani nakkutilliinerit amigartut, matumani bruttolønlistit misissoqqitassatut nassiunneqarneq ajornerat ilanngullugu.

Kommunip oqaaseqaatit isumaqatigai.

Kommunip 2021-mi 2022-milu suliaasaqarfimmi allaffissornerup pitsanngorsarneqarnissaa sulissutigaa. Kommunip ilaatigut HR-systemi nutaaq, HR-imik akissarsialerinnermillu suliaasaqarfimmi allaffissornerissamik ajornaannerulersitsisussaq inniminnerpaa. Taamaattumik kommunip 2022-p 2023-llu ingerlaneranni annertuumik pitsanngoriaateqartoqarnissaa naatsorsuutigaa.

#### **2013-9: Suliatigut aqutsisutut nakkutiginnissinnaannginneq**

Kukkunersuiusut maluginiarpaat, meeqqanik inuusuttunillu aammalu inersimasunut tunngasunik sullissinnermi pitsaassutsimik qulakkeerinnittartussamik suliatigut aqutsinnermik nakkutilliisoqarnissaa amigaataasoq.

Oqaaseqaammi pineqarput Suliffeqarnermut Isumaginninnermullu Ingerlatsivik aammalu Meeqqanut Ilaqutariinnullu Ingerlatsivik. Taamaattumik akissuteqaat ataani marlungorlugu avinneqarpoq.

#### Suliffeqarnermut Isumaginninnermullu Ingerlatsivik pillugu oqaaseqaammut akissut:

Suliffeqarnermut Isumaginninnermullu Ingerlatsivik aqutsinnermik nakkutilliisarnermik aallartitsisoqarsimannginneranut isumaqataanngilaq. Suliffeqarnermut Isumaginninnermullu Ingerlatsivik inersimasunut tunngasuni sullissinnermi pitsanngorsaaneq annertooq pillugu arlaleriarluni nassuiaasiortarsimavoq.

Suliffeqarnermut Isumaginninnermullu Ingerlatsivik suleriutsini suliatigut nakkutilliinnermik siammasissumik pilersitsinikuvoq tamatumalu ineriartortinnissaa ingerlaavartumik



sulissutigineqarpoq. 2021-mi periutsit assigiinngitsut misilittarneqarput. Ilaatigut aalajangersimasumik ataatsimiinnernik misissuillattaariffiusut Deloittep kaammattuina malillugu misilerarneqarnikuupput. Taamaattorli suliniutit iluaqutissartaat suliniuteqarsimanermut naapertuutinngitsut erserpoq, peruserlu ingerlatsinikkut aaqqissuusaanermik amerlasuunik suliassalimmik ingerlatsinissamut atussallugu piviusorsioortuunngitsoq nalilerneqarpoq.

Immikkoortortami aqutsisoq suliani ilaatigut misissuillattaarisarpoq, inussaqartilluguli sulisut misissueqatigisarlugit. Taamatuttaaq Isumaginninnermik Naammagittaalliuuteqartarfimmi suliat, suliat ataasiakkaat aaqqiissuteqarfingeqarnissaat aammali suleriaatsinik allanngortiterisoqarnissaanik pisariaqartitsisoqarnerata nalilernissaa siunertaralugu suliarineqartarput. Suliffeqarnermut Isumaginninnermullu Ingerlatsiviup naammagittaalliuutiginninnermik suliat suliarineqartartut misissuillattaarinermi atugassatut attuumassuteqartut kiisalu tamakkuninnga suliaqartarneq ataatsimut isigalugu misissuillattaarisarnernut naapertuuttumik naleqartoq. Suliffeqarnermut Isumaginninnermullu Ingerlatsiviup matumani Ingerlatsinermit Aningaasaqarnermillu Aqutsinermit Najoqqutassiami qanoq misissuillattaarinernik ingerlatsisoqartarnissaanik piumasaqaateqartoqanngitsoq maluginiaqqaa.

Suliffeqarnermut Isumaginninnermullu Ingerlatsiviup Ingerlatsinermit Aningaasaqarnermillu Aqutsinermit Najoqqutassiami, imm. 33-mi allassimasoq malillugu nalinginnaasumik pisortat susassaarfiini aningaasaqarnermut ataatsimiititamut ukiup affakkaartumik ilisimatitsisoqartanngitsoq isumaqatigaa, tamatumalu siunissami ingerlanneqartalernissaa sulissutigissallugu.

#### Meeqqanut Ilaqutariinnullu Ingerlatsivik pillugu oqaaseqaammut akissuteqaat.

2020-2021-mi aqutsinermit nakkutilliineq pingasoriarluni ingerlanneqarpoq taakkunanilu suliani meeqqanut tunngasuni 200-ni allagaatit misissorneqarsimapput.

2022-mi ajoraluartumik annerusumik suliatigut aqutsinermit nakkutilliinerit suliarineqarnissaat pilersaaruserneqarnissaallu iluatsinneqarsimanngilaq.

Suliatigut aqutsinermit nakkutilliinermit kingornagullu malitseqartitsinermit suliaqarneq, oqartussaaffeqarfiup aaqqissuuteqqinneqarneranut, nutaamik ESDH-mik atortorissaarutitaarnermut aammalu oqartussaaffeqarfiup allaffissornikkut toqqammavissaanik sulinermit atatillugu isigineqassaaq.

Meeqqanut tunngasunut App-ip atuutilersinneqarnissaanut atatillugu aqutsinermit nakkutilliinerit nalinginnaasut, aqutsinermit suliaqarnermut aalajangersimasumik ilaasussatut ilanngutsinneqarsinnaanissaat pitsaanerulissasoq, naatsorsuutigineqarpoq.

Taamatulli suliaqarneq ukiuni arlalinni ingerlanneqassasoq naatsorsuutigineqarpoq.

**2013-12: Sanaartornermut naatsorsuutini il. il. tunniussineq**

Kukkunersuiusunit oqaatigineqarpoq sanaartornermut naatsorsuutit arlallit amigaataasut, matumani sanaartornermut naatsorsuutit nutaannginnerusut arlallit ilanngullugit.

Kommunip oqaaseqaatit isumaqatigai.

”Ingerlatsinermit Aningaasaqarnermillu Aqutsinermit Najoqqutassiaq” pillugu malittarisassat naapertorlugit ukiuni arlalinni sanaartornermut naatsorsuutit kommunimit tamakkiisumik suliarineqartarsimanginnerat ilumoorpoq.

2021-mi upernaakkut – kukkunersuiusut maluginiagaattut – sanaartornermut naatsorsuutit katillugit 29-t, 2022-mi maajip 31-ani kommunalbestyrelsimit akuerineqartut, suliarineqarput nutarterneqarlutillu.

Aammattaaq sanaartornermut naatsorsuutit piffissaliussallu kommunimit suliarineqartarnerinut malittarisassanik nutaanik ajornaannerusunillu kommunip kukkunersuiusua suleqatigalugu siunnersuutigineqarput. Siunnersuutit kommunimi akuersissutigineqarnissaat maannakkut utaaqqineqarput, taamaattoq sanaartornermut naatsorsuusiorderit pillugit pissutsit pitsanngortinneqarnissaannut sunniuteqassasut naatsorsuutigineqarpoq.

Massakkuugallartoq 2018-imut tamatumalu kinguneranut naatsorsuutit suliarineqarnissaat amigaataavoq, suliasarlu taanna Sanarfinermut Avatangiisinullu Ingerlatsivimmit siunissami pingaarnersiorneqartarumaarpoq. 2022-mi suliaqarnej ingerlanneqassaaq, tamakkiisumillu isiginnittaaseqarnermik kiisalu sanaartugassatut pilersaarutit tungaasigut siunissami suleriaasissat aaqqissuunneqarnerinik suliaqartoqassalluni. Suliap 2023 kiisalu immaqa 2024 tikillugu ingerlanneqarnissaa naatsorsuutigineqarpoq.

Ingerlatsiviup kukkunersuiusoqarnissaanut politikikkullu suliaqartoqarnissaanut aningaasat killigitat, Piginnaatitsinermik agguataarinissamut pilersaarut 22. februaari 2022-mi aalajangiussaq malillugu 2 mio. kr.-nit 5 mio. kr.-nut allanngortinneqaqqissimasut maluginiarpaa.

**2014-2: Qarasaasiatigut nakkutilliissutini tamanut atuuttuni sanngiiffiit amigaatillu**

Kukkunersuiusut oqaatigaat, kommunip qarasaasiaqarnerata (ax aamma qaamm. akiss.) annertunersaa aaqqissuussanit avataaneersunit isumagineqarmat, avataaniit ingerlatsinerup illersorneqarsinnaasumik isumannaatsuunera qulakkeerniarlugu kommune ataavartumik taakkunanga paasissutissanik pissarsiniartassasooq.



Kommunip oqaaseqaatit isumaqatigai. Oqaatigineqarpoq ajornartorsiutitut isigineqartoq pisortani ataatsimoorussamik ingerlanneqartariaqaraluartoq, ilaatigut kommunip sullississutai pingaernerit eqqarsaatigalugit – aningaasaqarnermut akissarsianullu tunngasut – suliassammi taakku pisortani ataatsimut qarasaasiaqarnermi allaffeqarfimmit isumagineqartarmata.

MD-Løn-imut tunngatillugu 2022-mi annertuumik nutarterisoqartussaavoq, matumanilu sulisunut tunngatillugu pilersitsinerit matusinerillu allanngortinneqartussaallutik.

Kukkunersuisut oqaaseqaataat pitsaanerpaamik qanoq iliuseqarfigineqassanersut pillugit kommunimit malitseqartinneqassaaq.

#### **2018-03 Pisassat naatsorsorneri qularnartoqartut**

Kukkunersuisut nalunaarutigaat, kukkunersuisut nalunaarutaat qulaajarneqareersut, taamaattumillu kukkunersuisut oqaaseqaataat matuneqartoq.

#### **2018-05 Suliffeqarfiillu aaqqitassanik naligiissaarisimanginnerat**

Kukkunersuisut maluginiarpaat, kommunip suliffeqarfiutaasa (Iserit aamma NCD) kommunimit sunik pisassaqaarnerlutik assigiinngitsunik isumaqarfigigaat, paarlattuanillu kommune allatut isumaqarluni.

Kommunip oqaaseqaatit isumaqatigai.

Iserit eqqarsaatigalugu, Iserit suleqatigilluarlugu suliniummik naammassisarnikuuvugut, kommunip Iserit-imut akiligassai qulakkeerneqarlutillu akilerneqareerlutik. Kisianni Iserit kommunilu 4,2 mio. kr.-it pillugit pingaarutilimmik isumaqatigiinngissuteqarput, Iserit isumaqarluni taakkua kommunimit pisassaralugit. Suliaq taanna Iserit Kommunillu akornanni paasinialuarneqarumaarpoq.

#### **2018-06 Kalaallit Nunaanni Namminersorlutik Oqartussallu aaqqitassanik naligiissaarinnginnerit**

Kukkunersuisut maluginiarpaat, qangaaniilli naatsorsuutitut inissitsiterneqartartut pillugit illuatungeriit suli isumaqatigiissutigisimangikkaat, taamaattumillu innersuussutigineqarpoq ataavartumik naligiissaarisoqartassasoq, ikinnerpaamik ukiumut ataasiarluni.

Kommunip oqaaseqaatit isumaqatigai.



2021-p ingerlanerani qaammatikkaartumik Namminersorlutik Oqartussat ataatsimeeqatigineqartarsimapput, naligiissaarisoqartannginnera pillugu. Taamaattumik maannakkut akiligassat/pisassallu pillugit naligiissaarisoqareerpoq. 2022-p ingerlanerani aamma qaammatikkaartumik Namminersorlutik Oqartussat ataatsimeeqatigineqartarsimapput, aningaasartuuteqarfinnik pisoqqanik torersaanernik.

Isumaqatigiissuteqartut angusaqarluarsimapput, sulili aningaasartuutunik ammasoqarpoq matusariaqartunik.

Annerpaartaat Isumaginninnermi Aqutsisoqarfimmiit akiligassaapput, Suliffeqarnermut Isumaginninnermullu Ingerlatsivimmiit aamma Meeqqanut Ilaqutariinnullu Ingerlatsivimmiit nassiunneqarsimasut.

Taamaattumik Namminersorlutik Oqartussat ataanilu Isumaginninnermut Aqutsisoqarfik suliaq tamanna pillugu naammassineqarnissaalu pillugu oqaloqatigineqartarput.

Uninngasut amerlanerit 2022-p naanerani imaluunniit 2023-p aallartinnerani naammassineqarnissaat ilimagineqarpoq.

**2018-08 Akissarsiat isumaginninnermilu ikiorsiissutit akileraarutaasussat nikingasoornaveersaartinneqarsimanngitsut.**

Kukkunersiuisut nalunaarutigaa, kukkunersiuisut nalunaarutaat qulaajarneqareersut, taamaattumillu kukkunersiuisut oqaaseqaataat matuneqartoq.

**2019-01 Isumaginninnermut tunngasuni sullissinnermi kukkunerit amigaatillu**

Kukkunersiuisunit oqaatigineqarpoq, suliassaqarfinni pisortanit ikiorsiissutitut, siusinaartumik soraarnerussutisialinnut, meeqqanut aamma angajoqqaarsianut taavalu suliffeqarnermut tunngasuni sullissinnerni annertuumik amigaateqartoqartoq takuneqarsinnaasoq.

Oqaaseqaammi pineqarput Suliffeqarnermut Isumaginninnermullu Ingerlatsivik aamma Meeqqanut Ilaqutariinnullu Ingerlatsivik.

Kommunimit akissuteqaat ataani marlungorlugu avinneqarpoq.

**Suliffeqarnermut Isumaginninnermullu Ingerlatsivik pillugu oqaaseqaatinut pisortat ikiorsiissutaannut aamma siusinaartumik soraarnerussutisianut tunngasut pillugit akissuteqaat.**

Ulluinnarni sulinnermi ajunngitsumik ingerlanneqarnerisut 2020-mi arlalitsigut suliniuteqarfigineqarput. Tamanna sulissutigineqaqqissaq.

**Allattuisussaatitaanerup malinneqannginnera**

Allattuisussaatitaaneq ukkatarineqarpoq. Ilaatigut ingerlatsivimmi inatsisilerituup ilinniartitsineratigut iliuuseqarfigineqarpoq, aamma sap. ak. suliat pillugit ataatsimiinnerni aalajangersimasumik erseqqissaatigineqartuarpoq.

**Pisortanit ikiorsiissutit**

Suliffeqarnermut Isumaginninnermullu Ingerlatsiviup suliniutit suut atorneqarsimanersut nassuiaassutigereerpai. Tassani ersarissarneqarpoq AX-imi fagmodulit nutaat innuttaasunut aningaasat tunniunneqartussat piffissamik eqquinissaat eqqortuunissaallu pitsangorsarsimagaat. Taamaattumik Suliffeqarnermut Isumaginninnermullu Ingerlatsiviup eqqarsarnartoqartippaa sooq tamanna kukkunersiuisut nalunaarutaanni ammatinneqarnersoq.

**Aningaasatigut pisassat naatsorsornerisa uppersaateqannginneri**

AX-imi pisortanit ikiorsiissutinut qinnuteqaatit tamarmik ikkunneqartarput.

Sullissisullu atortorissaarummut ikkussimangippatigut akuerineqarneq ajorput. Tassa imaappoq qinnuteqaatit kiisalu aalajangiinermi allakkiat tamaasa ikkunneqartarput. Allakkiat tamaasa ilanngunneqarsimangikkunik ikiorsiissutinik aallartitsisoqarneq ajorpoq. Suleqatigiit aqutsisuat matumani aqutsisutut misissuisarpoq.

Pisortanit ikiorsiissutinut tunngatillugu AX-imi sulianut modulit 2020-mi novembarip qaammataani atulersinneqarpoq.

Kommunimi sulianut tamanut Paamiut minillugit atuuppoq, Paamiunimi pisortanit ikiorsiissutinut qinnuteqaatit sumiiffimmi akuersissutigineqartaramik.

**Iliuusissanik pilersaarusiortoqartannginnera**

Pisortanit ikiorsiissuteqarnermut peqqussut malillugu pisartut tamakkerlutik iliuusissamik pilersaarusiunneqassasut inatsisitigut pituttuisuunngilaq. Taamaattoq piffissami sivisunerusumi pisortanit ikiorsiissutinik pisartagaqartut iliuusissanik pilersaarusiunneqarnissaanik neqeroorfigineqassapput.

Iliuusissanik pilersaarusiortoqarnissaanut neqeroorfigineqartussat amerlanerussasut sulissutigineqarpoq. Tasiilamut tunngatillugu piffissami aalajangersimasumi immikkut iliuusissanik pilersaarusiortussamik taartaasut atorfinititsisoqarnissaa isumaliutigineqarpoq. Taamaattumik massakut Tasiilami pisortanit ikiorsiissutinik pisartut iliuusissatut pilersaarusiunneqarnissamik neqeroorfigineqarput. Aammali kommunimi illoqarfinni arlalinni



iliusissanik pilersaarusiortarnissamut malinnaasinnaaneq killeqassasoq ilisimaarineqarpoq, tassami neqeroorutit killeqarmata.

Oqartussaaffeqarfimmut immikkoortorta q suliffeqarnermut immikkoortoq peqatigalugu innuttaasunut iliusissanik pilersaarusiortarneq ataatsimoorunneqarpoq, taamaaliornikkut allaffissorneq annikinnerullunilu suliniuteqarnissaq pingaernerutinneqassaaq.

### **Malitseqartitsinnginneq**

Pisartagallit tamarmik qaammatit pingasut tikillugit pisartakkaminnik fagmodulimi nutaami pissarsiuaannarsinnaapput. Piffissaq qaangiuppat, sullissisup innuttaasoq allakkatigut qinnuigissavaa kontut allattorsimaffianik nassiusseqqullugu. Innuttaasup paasissutissat pissarsiarerusunneqartut tunniuppagit, suliffissaaleqisutullu nalunaarsortippata, pisortat ikorsiissutaannik pisartagaqarnerat ingerlaannassaaq. Paasissutissanik tunniussinngitsoorpata, pisartagaqarneq unitsinneqassaaq. Tamanna sullissisut isumagissavaat.

Aamma ilanngullugu oqaatigineqassaaq, sapaatip akunneri allortarlugit misissorneqartassamat, pisortat ikorsiissutaannik pisartagallit suliffissaaleqisutut nalunaarsortissimanersut. Taamaangippat, pisartakkat unitsinneqassapput.

Paamiuni sullissineq aamma Nuummiit pitsaassutsikkut qulakkeerinniffigineqartarpoq, qulakkeerniarlugu eqqortumik tunniussisoqarnersoq.

Pisortat ikorsiissutaannut tunngatillugu suliniutit allaaserineqartut iluanniittut pitsaasumik kinguneqarpassippat, tassami naammagittaalliutigineqartartuni amerliartortuni kommune eqqortumik sullissisimasutut nalunaarutigineqartarmat.

### **Aningaasaliissuteqarnissamut tunngaviusumi uppersaatait amigartarnerat**

Siusinaartumik pensionisiaqalernissamut maannakkut peruserineqartoq imaappoq:

1. Paasissutissanik pissarsiniartarneq, nakorsap uppersaataanik pissarsinissamut ingerlateqqinneqartartoq
2. Sullissisup iliusissatut pilersaarusiaa
3. Kinaassutsimut ilisarnaat
4. VMF (pisariaqanngilaq, qinnuteqartoq suliffeqarpat)
5. VMF-iliusissatut pilersaarut
6. Sulinermik misiliineq
7. Sulinermi oqaaseqaat
8. Naliliineq
9. TFU-mit innersuussut



Siusinaartumik pensionisiaqalerniartumik sullissisup qulaani taaneqartoq suliarereerpagu, (TFU)-mi ataatsimiinnissaq sioqqullugu piareersarnermi misissoqqissaarneqassaaq.

Piareersarluni ataatsimiinnermi ataatsimeeqataassapput sullissisoq, isumaginninnermut siunnersortit pisortaat, immikkoortortami aqutsisoq aamma fagcheffi. Aamma TFU-mi misissorneqassapput suliamut tunngatillugu uppernarsaatit pisariaqartinneqartut pigineqarnersut. Taakkununga ilanngullugu, sulisinnaassutsimik naliliineq ullormi tassani paasissutissiissutigineqartunut naapertuunnersoq.

### **Siusinaartumik pensionilinnik nalilersueqqinneq amigaataasoq**

Siusinaartumik pensionisiaqalerniartut assigalugit pensioneqalerniartut nalilersoqqinneqartarnerat aamma taamaappoq.

Siusinaartumik pensionisiaqalerniartunut suliassat allaaserineqartut aamma pitsaasumik sunniuteqarsimarpassippot, pissutigalugu naammagittaalliuutigineqarsimasuni kommune eqqortumik sullissisimasutut amerliartortunik nalunaarutigineqartarmat.

### **Suliffeqarfinni piginnaangorsaaneq aammalu nakkutigisami sulineq kiisalu Nuttartarnissamut siuarsaanermut pisartagaqarneq**

Maannakkorpiaq ingerlatsiviup Majoriami suliassat pingaarnerit iluanni piginnaatitsissutitut qaffasissutit ineriartorteqqillugit ingerlanneqarput, taamaasillutik sulisinnaassutsimik naliliinnermi suliareqqissaakkanik iliuusissatullu pilersaarutini/piginnaangorsaqqiinissamullu pilersaarutini sulinnermi oqaaseqaatinik piginnaatitsissuteqarnissamut naammattumik peqartoqarlunilu malinnaatitsiuartoqarnissaa pitsanngorsaaffigineqarniassammat.

### **Meeqqanut Ilaqutariinnullu Ingerlatsivik pillugu oqaaseqaammut akissuteqaat.**

#### **Allattuisussaataaeramik malittarisassanik malinninnginneq:**

Meeqqanut Ilaqutariinnullu Ingerlatsivik 2021-p ingerlanerani piumasaqaataasumik sulianik ingerlatsisarsimavoq. Tassani pingaartillugu ukkataritinneqartarpoq Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersoq, Pisortat ingerlatsineranni suliassat suliarineqartarnerat pillugu Inatsisartut inatsisaanni nr 8 13. juni 1994-imeersoq aammalu Pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8, 13. juni 1994-imeersoq. Allattuisussaataaerup pingaaruteqassusaa erseqqissaassutigineqarpoq. Taamatuttaaq immikkoortortami aqutsisut suleqatigiinnilu aqutsisut ingerlaavartumik sullissisunut meeqqanut tunngasunik suliani ataasiakkaani sullissinnermi, suliarinninnermi, suliatigullu naliliinnermi allattuisussaataaeramik eqqaasittarpaat.

#### **Suliani meeqqanut tunngasuni amigaatit**



Allaffeqarfiup Meeqqanut Ilaqutariinnullu Ingerlatsivimmi suliat meeqqanut tunngasut immikkut eqqumaffigisariaqarpai. Meeqqanut Ilaqutariinnullu Ingerlatsivik 2021/2022-p ingerlanerani pingasunngornerit tamaasa sivikitsumik pikkorissartitsisalersimavoq, sullissisut tamarmik pingitsooratik peqataaffigisartagassaannik. Tamatumani immikkut ukkarineqarsimapput sullissinermi atugassat Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersoq, Pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8, 13. juni 1994-imeersoq kiisalu Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersoq. Sivikitsumik pingasunngornerni pikkorissartitsisarnerit oqartussaaffeqarfimmi sullissisut tamarmik peqataaffigisarpaat. Aallaavigneqartoq tassaavoq ingerlatsivimmi pingasunngornerit allortarlugit meeqqanut suliassat qanoq ataatsimut pitsaanerumik suliarineqarnissaannut pingitsoorani ilaaffigisariaqakkamik isumasioqatigiinneq. Sullissisut akornanni ilinniakkatigut qaffaasaanissaq suliniutit arlaqartut ilagaat, sullissinerup pitsanngorsarneqarnissaanik kinguneqartussa. Tassunga ilaatinneqarput sulisoriinnarneqarnissaq sulinngitsoortarnerillu, ESDH systemimik ikorfartuutaasussamik atuutilersitsineq, minnerunngitsumillu oqartussaaffeqarfimmi aqqissuusseqqittoqarsimalluni, tamatumani innuttaasoq qitiutinneqarluni. Tamanna eqaannerumik sullissisoqartalernissaanik qulakkeerinissamut peqquataaqaassaaq, inatsisit malinneqarsinnaasunngorlugit. Ataatsimut isigalugu taamatut sulineq ukiuni arlalinni ingerlasussatut naatsorsuutigineqarpoq - tamatumani ajornakusoornartinneqarsinnaasut 2022-p naalernerani inaarutaasumik naammassineqarnissaat naatsorsuutigineqanngilaq.

#### **Angajoqqaarsiaqarnermut tunngasunik suliassaqarfik:**

Angajoqqaarsiatut isumaqatigiissuteqarfissanik amigaateqartoqarnikuuvoq, tamannali aqqinneqareerpoq. Taamatut iluarsiiisuteqarnissaq 2020-p naalernerani aallartinneqarpoq, 2022-llu naalernerani naammassineqartussatut naatsorsuutigineqarpoq suliat angajoqqaarsiaqartitsinermut tunngasut nutarterneqareersimanissaat, taamaalillutilu angajoqqaarsiat tamarmik attaveqateqalersimassallutik.

Angajoqqaarsianut akuersissutit amigartut nutartikkallu tamanut tunngasut ingerlatsivimmi ataavartumik suliarineqartarput, aammalu tamatumani 2022-p naannginnerani nutarterisoqarnissaa naatsorsuutigineqarpoq.

Nakkutilliisussaatitaanermut nalunaarutip atuutilersinneqarnissaanut tunngatillugu angajoqqaarsianik nakkutilliineq ataavartumik ingerlanneqartarpoq, nalunaarutigineqartut nalunaarutigineqanngitsullu. Taamaattorli Nuummi ingerlatsineq aallaavigalugu nakkutilliinerit kinguaattooqqasimapput, massakkut suliassani siulliunneqartoq, 2022-llu naalernerani nutarterinerup naammassineqarnissaa naatsorsuutigineqarpoq.

Angajoqqaarsiat akissarsiaasa kontulersorneqarnerat massakkut Lønssystemet atorlugu ingerlanneqarpoq. Kommunimit meeqqap inuup normuata kontulersorneqarnissaanik piumasaqartoqarsinnaasoq misissorneqassaaq massakkut akiliuteqartarnermut atortut atorlugit,



imaluunniit eqqortumik nalunaarsuisarnek suliassaqarfimmi suliassaqarfikkuutaartut nutaat atuutilersinnissaat utaqqineqassanersoq.

### **2019-02 Ingerlatsinermit sanaartornermullu tunngasunik misissuineq**

Kukkunersuiusut maluginiarpaat, ukiup siuliani aningaasartuutit sanaartornermut tunngasunut kontulersorneqarsimasut, sanaartornermut tunngasut suunerinik nalunaarsuinermit malinninngitsunik. Ilangullugu kukkunersuiusut innersuussutigaa, pingaaruteqartoq, ingerlatsinermit sanaartornermilu misissuineq missingersuusiortarnerup nalaani atorneqareersoq.

Kommunip oqaaseqaatit isumaqatigai.

2022-mi ingerlatsinermit sanaartornermullu tunngasunik misissuineq eqqumaffigineqarneruvoq. 2023-mut missingersuusiortarnermit misissuineq missingersuutitut ilaatinneqareerpoq. Taamaattumik oqaaseqaatip 2023-mut naatsorsuutini qulaajarneqareersimanissaa naatsorsuutigineqarpoq.

### **2020-01 Siorarsiorfik Nuuk City Development A/S-imut tunngatillugu erseqqissagassat**

Kukkunersuiusut nalunaarutigaa, kukkunersuiusut nalunaarutaat qulaajarneqareersut, taamaattumillu kukkunersuiusut oqaaseqaataat matuneqartoq.

### **2020-02 Attartornermit attartortitsinerimullu isumaqatigiissutinik Naalackersuisunut akuersissutigisassanik nassiussisanninneq**

Kukkunersuiusunit oqaatigineqarpoq missingersuusiortarnermit inatsimmi aalajangersakkat malillugit attartornermit attartortitsinerimullu isumaqatigiissutit akuersissutigisassanngorlugit Naalackersuisunut nassiunneqartarsimannngitsut kommunimut erseqqissaatigineqarsimasoq.

Kukkunersuiusut oqaaseqaataat kommunimit isumaqatigineqarpoq.

Attartornermit attartortitsinerimullu isumaqatigiissutit akuersissutigineqarnissaat tamarmik Naalackersuisunut akuersissanngorlugit nassiunneqarput. Taamaattumik suliap 2022-mi matuneqarnissaa kommunip naatsorsuutigaa.